

葛仙翁肘後備急方卷之五

陸五

治癰疽妬乳諸毒腫方第三十六

隱居効方治羊疽瘡有蟲痒

附子八分藜蘆二分末傅之蟲自然出
葛氏療疥發諸癰疽發背及乳方

比灸其上百壯

又方熬菜粉令黑雞子白和之塗練上以貼癰小穿
練上作小口泄毒氣燥易之神祕

又方釜底上搗以雞子中黃和塗之加少豉彌良
又方搗黃蘗末篩雞子白和厚塗之乾復易差

又方燒鹿角搗末以苦酒和塗之佳

又方於石上水磨麋角取濁汁塗癰上乾復易隨手

消

又方末半夏雞子白和塗之水磨傅並良

又方神効水磨出小品

又方醋和茱萸若搗薑或小蒜傅之並良

一切惡毒腫

蔓菁根一大握無以龍葵根代之乳頭香一兩光

明者黃連一兩宣州者杏仁四十九枚去尖用柳

木取三四錢白色者各細剉搗三二百杵團作餅

子厚三四分可腫處大小貼之乾復易立散別貼

膏藥治瘡處佳

葛氏療癰發數十處方

取牛天燒搗末以雞子白和塗之乾復易神効

又方用鹿角桂雞屎別搗燒合和雞子白和塗乾復

上

又癰已有膿當使壞方

取白雞兩翅羽肢各一枚燒服之即穿姚同

又方吞薏苡子一枚勿多

又方以苦酒和雀矢塗癰頭上如小豆

葛氏若已結癰使聚不更長方

小豆末塗若雞子白和尤佳即差

又方芫花末膠汁和貼上燥復易化為水

若潰後膿血不止急痛

取生白楸葉十重貼上布帛寬縛之

乳腫

桂心甘草各二分烏頭一分炮搗為末和苦酒塗

紙覆之膿化為水則神效

葛氏婦女乳癰妬腫

削柳根皮熟搗火溫帛囊貯熨之冷更易大良

又方取研米槌煮令沸絮中覆乳以熨上當用二枚

手熨之數十迴止姚云神效

乳癰方

大黃茵草伏龍肝竈下黃土也生薑各二分先以

三物搗篩又合生薑搗以醋和塗乳痛則止極驗

劉涓子不用生薑用生薑四分分等余比見用鯽

魚立驗此方小品佳

姚氏乳癰

大黃鼠糞濕者黃連各一分二物為末鼠矢更搗

以黍米粥清和傅乳四邊痛即止愈無黍米用粳

米並得

又方牛馬矢傳並佳此並消去

小品妬方

黃芩白斂芍藥分等末篩漿服一錢七日五服若

右乳結者將左乳汁服左乳結者將右乳汁服散

消根姚同此方必愈

姚方搗生地黃傳之熱則易小豆亦佳

又云二三百衆瘡不差但堅紫色者

用前柳根皮法云熬令溫熨腫一宿愈

凡乳汁不得洩內結名妬乳乃急於癰

徐玉療乳中瘰癧起痛方

大黃黃連各三兩水五升煮取一升二合分三服

得下即愈

葛氏卒毒腫起急痛方

蕪菁根大者削去上皮熟搗苦酒和如泥煮三沸

急攪之出傳腫帛裹上日再三易用子亦良

又方燒牛矢末苦酒和傳上乾復易

又方水和石灰封上又苦酒磨升麻若青木香或紫

檀以磨傳上良

又方取水中萍子草熟搗以傳上

又已入腹者

麝香薰陸香青木香雞舌香各一兩以水四升煮

取二升分為再服

若惡核腫結不肯散者

吳茱萸小蒜分等合搗傅之丹蒜亦得

又方搗鯽魚以傅之

若風腫多痒按之隨手起或隱癢方

但令痛以手摩拊按日數度自消

又方以苦酒磨桂若獨活數傅之良

身體頭面忽有暴腫處如吹方

巴豆三十枚連皮碎水五升煮取三升去滓綿沾

以拭腫上趁手消勿近口

皮肉卒腫起狹長赤痛名膈

鹿角五兩白斂一兩牡蠣四兩附子一兩搗篩和

苦酒塗帛上燥復易

小品癰結腫堅如石或如大核色不變或作石癰不

消

鹿角八兩燒作灰白斂二兩麤理黃色磨石一斤

燒令赤三物搗作末以苦酒和泥厚塗癰上燥更

塗取消止內服連翹湯下之姚方云燒石令極赤

內五升苦酒中復燒又內苦酒中令減半止鴻石
和藥先用所餘苦酒不足添上用

姚方若發腫至堅而有根者名曰石癰

當上灸百壯石子當碎出不出者可益壯癰疽瘡
石癰結筋癰癰皆不可就針角針角者少有不及
禍者也

又癰未潰方

茵草末和雞子白塗紙令厚貼上燥復易得痛自
差

癰腫振熅不可振方

大黃搗篩以苦酒和貼腫上燥易不過三即差減
不復作膿自消除甚神驗也

癰腫未成膿

取牛耳垢封之即愈

若惡肉不盡者食肉藥食去以膏塗之則愈食肉方
取白炭灰荻灰等分煎令如膏此不宜預作十日
則歇并可與去黑子此大毒若用効驗本方用法

凡癰腫用

栝萋根赤小豆皆當內苦酒中五宿出熬之畢搗
為散以苦酒和塗紙上貼腫驗

隱居効方消癰腫

白斂二分藜蘆一分為末酒和如泥貼上日三大

良

疽瘡骨出

黃連牡蠣各二分為末先鹽酒洗後傅

葛氏忽得燂疽著手足肩累累如米豆刮汁出急療

之

熬蕪羊熟搗裹以展轉其上日夜勿止

若發疽於十指端及色赤黑甚難療宜按大方非單

方所及

若骨疽積年一捏一汁出不差

熬米膠粕勃瘡上乃破生鯉魚以搯之如炊頃刮
視有小蟲出更洗傳藥蟲盡則便止差

姚方云燂疽者肉中忽生一黠子如豆粟劇者如梅
李大或赤或黑或白或青其鱗有核核有深根應心
小又四面悉腫庖黯紫黑色能爛壞筋骨毒入臟
腑煞人南方人名為掄者毒

著厚肉處皆割之亦燒鐵令赤烙赤三上令焦如
炭亦灸點炮上百壯為佳早春酸摹葉薄其四面
防其長也飲葵根汁犀角汁升麻汁折其熱內外

療依丹毒法也

劉涓子療癰疽發壞出膿血生肉黃耆膏

黃耆芍藥大黃當歸芎藭獨活白芷薤白各一兩
生地黃三兩九物切猪膏二升半煎三上三下膏
成絞去滓傳充瘡中厚左右日三

又丹癰疽始發浸淫進長并少小丹瘡方

升麻黃連大黃芎藭各二兩黃芩芒消各三兩當
歸甘草炙羚羊角各一兩九物咬咀水一斗三升
煮取五升去滓還內鐺中芒消上杖攪令成膏適
冷熱貼帛搗腫上數度便隨手消散王練甘林所

祕方慎不可近陰

又燥瘡浸淫多汁日就浸大胡粉散

胡粉熬甘草炙簡茹黃連各二分四物搗散篩以

粉瘡日三極驗

諸疽瘡膏方

蠟亂髮鬢石松脂各一兩猪膏四兩五物先下髮
髮消下礬石礬石消下松脂松脂消下蠟蠟消下
猪膏塗瘡上

赤龍皮湯洗諸敗爛瘡方

榭樹皮切三升以水一斗煮取五升春夏冷用秋

冬溫用洗乳瘡及諸敗瘡洗了則傳膏

發背上初欲赤便服此大黃湯

大黃甘草炙黃芩各二兩升麻二兩梔子一百枚
五物以水九升煮取三升半服得快下數行便止
不下則更服

療發背及婦人發乳及腸癰木占斯散

木占斯厚朴炙甘草炙細辛栝樓防風乾薑人參
桔梗敗醬各一兩十物搗為散酒服方寸匕晝七
夜四以多為善病在上常吐在下膿血此謂腸癰
之屬其癰腫即不痛長服療諸疽疔若瘡已潰便

平愈發背無有不療不覺腫去時長服去敗醬多
療婦人發乳諸產癥瘕益良並劉涓子方

劉涓子療癰消膿木占斯散方

木占斯桂心人參細辛敗醬乾薑厚朴炙甘草炙
防風桔梗各一兩十物為散服方寸匕入咽覺流
入瘡中若癰疽灸不發壞者可服之瘡未壞去敗
醬此藥或時有癰令成水者

癰腫瘰癧核不消白灸薄方

白灸黃連大黃黃芩茵草赤石脂吳茱萸芍藥各
四分八物搗篩以雞子白和如泥塗故帛上薄之

開小口乾即易之差

發背欲死者

取冬瓜截去頭合瘡上瓜當爛截去更合之瓜未盡瘡已斂小矣即用膏養之

又方伏龍肝末之以酒調厚傅其瘡口乾即易不日平復

又方取梧桐子葉鐵上焙成灰絹羅蜜調傅之乾即易之

腫雜方療熱腫

以豕芥子并稻葉搗傅之無不愈大驗得山芥更

妙又搗小芥子末醋和作餅子貼腫及癩癰數看消即止恐損肉此療馬附骨良

又方燒人糞作灰頭醋和如泥塗腫處乾數易大驗又方取黃色雄黃雌黃色石燒熱令赤以大醋沃之更燒醋沃其石即軟如泥刮取塗腫若乾醋和此大秘要耳

灸腫令消法

取獨顆蒜橫截厚一分安腫頭上炷如梧桐子大灸蒜上百壯不覺消數數灸唯多為善勿令大熱但覺痛即擎起蒜蒜燋更換用新者不用灸損皮

肉如有體乾不須灸余嘗小腹下患大腫灸即差
每用之則可大効也

又方生參

頭上按又磁石末和醋傳之

又方甘草

塗此蕉子不中食

又方雞腸草傳

又方白蔘末傳並良

又熱腫癰

煑膠數塗一日十數度即差療小兒癰子尤良每
用神効

一切毒腫疼痛不可忍者

搜麩團腫頭如錢大滿中安椒以麩餅子蓋頭上
灸令徹痛即立止

又方搗草麻人傳之立差

手脚心風毒腫

生椒末鹽末等分以醋和傳立差

癰疽生臭惡肉者

以白蔘茹散傳之看肉盡便停但傳諸膏藥若不
生肉傳黃耆散蔘茹黃耆止一切惡肉仍不盡者
可以七頭赤皮蔘茹為散用半錢七和白蔘茹散
三錢七以傳之此姚方差

惡脉病身中忽有赤絡脉起如蚓狀

此由春冬惡風入絡脉之中其血瘀所作宜服之
五香連翹鏡去血傳丹麥膏積日乃差余度山嶺
即患常服五香湯傳小豆得消以下並姚方

惡核病者肉中忽有核如梅李小者如豆粒皮中慘
痛左右走身中壯熱瘵惡寒是也此病卒然如起有
毒入腹殺人南方多有此患

宜服五香連翹湯以小豆傳之立消若餘核亦得
傳丹麥膏

惡肉病者身中忽有肉如赤小豆粒突出便長如牛

馬乳亦如雞冠狀亦宜服漏蘆湯外可以燒鐵烙之
日三烙令稍焦

以升麻膏傳之

氣痛之病身中忽有一處如打撲之狀不可堪耐而
左右走身中發作有時痛靜時便覺其處冷如霜雪
所加

此皆由冬溫至春暴寒傷之宜先服五香連翹數
劑又以白酒煮楊柳皮暖熨之有赤點處宜鏡
去血也

五香連翹湯療惡肉惡脉惡核瘰癧風結腫氣痛

木香沉香雞舌香各二兩麝香半兩薰陸一兩夜
干紫葛升麻獨活寄生甘草炙連翹各二兩大黃
三兩淡竹瀝三升十三物以水九升煮減半內竹
瀝取三升分三服大良

漏蘆湯療癰疽丹癰毒腫惡肉

漏蘆白欽黃芩白薇枳實炙升麻甘草炙芍藥麻
黃去節各二兩大黃三兩十物以水一斗煮取三
升若無藥用大黃下之佳其丹毒須針鏡去血
丹參膏療惡肉惡核癩瘰風結諸脉腫

丹參朔藿各二兩秦膠獨活烏頭白及牛膝菊花

防風各一兩藺草葉躑躅花蜀椒各半兩十二物
切以苦酒二升漬之一宿猪膏四斤俱煎之令酒
竭勿過燠去滓以塗諸疾上日五度塗故布上貼
之此膏亦可服得大行即須少少服小品同

升麻膏療丹毒腫熱瘡

升麻白欽漏蘆芒消各二兩黃芩枳實連翹地骨
各三兩梔子二十枚蒴藿根四兩十物切春令細
納器中以水三升漬半日以猪脂五升煎令水竭
去滓傳之日五度若急合即水煎極驗方

葛氏療卒毒腫起急痛

柳白皮酒煮令熱慰上痛止

附方

勝金方治發腦發背及癰疽熱癰惡瘡等

臘月兔頭細剉入瓶內密封惟久愈佳塗帛上厚封之熱痛傳之如冰頻換差

千金方治發背癰腫已潰未潰方

香豉三升少與水和熟搗成泥可腫處作餅子厚三分已上有孔勿覆孔上布豉餅以艾烈其上灸之使溫溫而熱勿令破肉如熱痛即急易之患當減快得分穩一日二度灸之如先有瘡孔中汁出

即差

外臺祕要療惡寒齋齋似欲發背或已生瘡腫癰癰起方

消石三兩以暖水一升和令消待冷取故青布揲三重可似赤處方圓濕布搦之熱即換頻易立差集驗方治發背

以蝸牛一百箇活者以一升淨瓶入蝸牛用新汲水一盞浸瓶中封繫自晚至明取出蝸牛放之其水如涎將真蛤粉不以多少旋調傳以雞翎掃之瘡上日可十餘度其熱痛止瘡便愈

崔元亮海上方治發背秘法李北海云此方神授極

奇秘

以甘草三大兩生搗別篩末大麥麩九兩於大盤中相和攪令勻取上等好酥少許別捻入藥令勻百沸水搜如餅子劑方圓大於蒼一分執傳腫上以油片及故紙隔令通風冷則換之已成膿水自出未成腫便內消當患腫著藥時常須喫黃耆粥甚妙

又一法甘草一大兩微炙搗碎水一大升浸之器上橫一小刀子置露中經宿平明以物攪令沫出吹

沫服之但是瘡腫發背皆可服甚効

梅師方治諸癰疽發背或發乳房初起微赤不急治之即死速

消方

搗芋根傅之數易

聖惠方治附骨疽及魚眼瘡

用狗頭骨燒烟薰之

張文仲方治石癰堅如石不作膿者

生章陸根搗擦之燥即易取軟為度

子母秘錄治癰疽痔瘻瘡及小兒丹

水黃棘根汁洗之

又方末蠟糟傳之

小品方治疽初作

以赤小豆末煎和傳之亦消

博濟方治一切癰腫未破疼痛令肉消

以生地黄杵如泥隨腫大小攤於布上糝木香末

於中又再攤地黃一重貼於腫上不過三五度

日華子云消腫毒

水調決明子末塗

食療治癰腫

括樓根苦酒中熬燥搗篩之苦酒和塗紙上攤貼
服金石人宜用

楊文蔚方治癰未潰

括樓根赤小豆等分爲末醋調塗

千金方治諸惡腫失治有膿

燒棘針作灰水服之經宿頭出

又方治癰瘡中冷瘡口不合

用鼠皮一枚燒為灰細研封瘡口上

孫真人云主癰發數處

取牛糞燒作灰以雞子白和傳之乾即易

孫真人食忌主一切熱毒腫

章陸根和鹽少許傅之日再易

集驗方治腫

柳枝如脚指大長三尺二十枚水煮令極熱以故布裏腫處取湯熱洗之即差

又方治癰一切腫未成膿拔毒

牡蠣白者為細末水調塗乾更塗

又方治毒熱足腫疼欲脫

酒煮苦參以漬之

外臺祕要治癰腫

伏龍肝以蒜和作泥塗用布上貼之如乾則再易

又方凡腫已潰未潰者

以白膠一片水漬令軟納納然腫之大小貼當頭

上開孔若已潰還合者膿當被膠急撮之膿皆出

盡未有膿者腫當自消矣

又方燒鯉魚作灰酢和塗之一切腫上以差為度

又療熱毒病攻手足腫疼痛欲脫方

取蒼耳汁以漬之

又方水煮馬糞汁以漬之

肘後方治毒攻手足腫疼痛欲斷

猪蹄一具合葱煮去滓內少許鹽以漬之

經驗後方治一切癰腫無頭

以葵菜子一粒新汲水吞下須臾即破如要兩處
破服兩粒要破處逐粒加之驗

又方治諸癰不消已成膿懼針不得破令速決

取白雞翅下第一毛兩邊各一莖燒灰研水調服

之

又梅師方取雀屎塗頭上即易破雄雀屎佳堅者為

雄

謹按雄黃治瘡瘍尚矣

周禮瘍醫凡瘵瘍以五毒攻之鄭康成注云今醫
方有五毒之藥作之合黃整置石膽丹砂雄黃礬
石磁石其中燒之三日三夜其煙上著以雞羽掃
取之以注創惡肉破骨則盡出故翰林學士楊億
嘗筆記直史館楊峒年少時有瘍生於頰連齒輔
車外腫若覆甌內潰出膿血不輟吐之痛楚難忍
療之百方彌年不差人語之依鄭法合燒藥成注
之創中少頃朽骨連兩牙潰出遂愈後更安寧信
古方攻病之速也黃整若今市中所貨有蓋瓦合
也近世合丹藥猶用黃瓦甌亦名黃整事出於古

也整音武

梅師方治產後不自乳見畜積乳汁結作癰取蒲公英
草搗傅腫上日三四度易之俗呼為蒲公英語訛
為僕公罌是也水煮汁服亦得

又方治妬乳乳癰

取丁香搗末水調方寸七服

又方治乳頭裂破

搗丁香末傅之

千金方治妬乳

梁上塵醋和塗之亦治陰腫

靈苑方治乳痛癰初發腫痛結硬欲破膿令一服差
以北來真樺皮無灰酒服方寸七就之臥及覺已
差

聖惠方主婦人乳癰不消

石用白麴半斤炒令黃色用醋煮為糊塗於乳上
即消

產寶治乳及癰腫

雞屎末服方寸七須臾三服愈梅師方亦治乳頭
破裂方同

簡要濟衆治婦人乳癰汁不出內結成膿腫名妬乳

方

露蜂房燒灰研每服二錢水一中盞煎至六分去滓溫服

又方治吹妳獨勝散

白丁香半兩搗羅為散每服一錢七溫酒調下無特服

子母秘錄療吹妳惡寒壯熱

猪肪脂以冷水浸榻之熱即易立效

楊炎南行方治吹妳疼痛不可忍

用穿山甲炙黃木通各一兩自然銅半兩生用三

味搗羅為散每服二錢溫酒調下不計時候

食醫心鏡云治吹妳不痒不痛腫硬如石

以青橘皮二兩湯浸去穢焙為末非時溫酒下二

錢七

治腸癰肺癰方第三十七

葛氏大人小兒卒得惡瘡不可名識者

燒竹葉和雞子中黃塗差

又方取蛇床子合黃連二兩末粉瘡上燥者猪脂和

塗差

又方燒蛇皮末以猪膏和塗之

又方葦柳葉若皮洗之亦可內少鹽此又療面上瘡
又方臘月猪膏一升亂髮如雞子大生鯽魚一頭令
煎令消盡又內雄黃苦參末二兩大附子一枚末
絞令凝以傳諸瘡無不差胡洽療癩疽疥大効
瘡中突出惡肉者

末烏梅屑傳之又末硫黃傳上燥者唾和塗之

惡瘡連加痒痛

搗扁豆封痂落即差近方

小品療癩癬疥惡瘡方

水銀礬石蛇床子黃連各二兩四物搗篩以臘月

猪膏七合并下水銀攪萬度不見水銀膏成傳瘡
并小兒頭瘡良襲慶宣加蘭茹一兩瘵諸瘡神驗
無比

姚療癩疥

雄黃一兩黃連二兩松脂二兩髮灰如彈丸四物

搗猪膏與松脂合熱搗以薄瘡上則大良

又療惡瘡粉方

水銀黃連胡粉熬令黃各二兩下篩粉瘡瘡無汁

者唾和之

小兒身中惡瘡

取筭汁自澡洗以筭殼作散傳之効

入體生惡瘡似火自爛

胡粉熬黑黃檗黃連分等下篩粉之也

卒得惡瘡

蒼耳桃皮作屑內瘡中佳

頭中惡瘡

胡粉水銀白松脂各二兩臘月猪膏四兩合松脂煎以水銀胡粉合研以塗上日再胡洽云療小兒頭面瘡又一方加黃連二兩亦療得禿瘡

惡瘡雄黃膏方

雄黃雄黃並汞水銀各一兩松脂二兩猪脂半斤亂髮如雞子大以上合煎去滓內水銀傳瘡日再効方惡瘡食肉雄黃散

雄黃六分簡茹礬石各二分末瘡中日二

療瘡方最去面上粉刺方

黃連八分糯米赤小豆各五分吳茱萸一分胡粉水銀各六分搗黃連等下篩先於掌中研水銀使極細和藥使相入以生麻油總稀稠得所洗瘡拭乾傳之但是瘡即療神驗不傳

甘家松脂膏療熱瘡尤啞膿不痂無瘢方

神效方
神秘方
地黃膏療一切瘡已潰者及灸貼之無痂生肉去膿
是半劑
半合以松脂等末內脂骨地黃汁中微火煎令黃
下臘絞去滓塗布貼瘡極有驗甘家祕不能傳此

地黃膏療一切瘡已潰者及灸貼之無痂生肉去膿
神秘方
地黃汁一升松脂二兩薰陸香一兩羊腎脂及牛
酥各如雞子大充於地黃汁煎松脂及香令消即
內羊脂酥并更用蠟半雞子大一時相和緩火煎

水盡膏成去滓塗帛貼瘡日一二易加故緋一片
亂髮一雞子許大療年深者十餘日即差生肉祕
法

婦人頰上瘡差後每年又發甘家祕方塗之永差

黃礬石二兩燒令汁盡胡粉一兩水銀一兩半搗
篩礬石胡粉更篩先以片許猪脂於甕器肉熟研
水銀令消盡更加猪脂并礬石胡粉和使粘稠洗
面瘡以塗上又別熬胡粉令黃塗膏訖則薄此粉
數日即差甘家用大驗

療癩瘡但是腰脚已下名為癩此皆有蟲食之蟲死

即差此方立驗

醋泔澱一椀大麻子一盞白沙鹽末各一抄和掩以傳瘡乾更傳先溫泔淨洗拭乾傳一二度即差乳如針穴皆蟲食大驗

効方惡瘡三十年不愈者

大黃黃芩黃連各一兩為散洗瘡淨以粉之日三無不差又黃蘗分等亦佳

葛氏療白禿方

殺猪即取肚破去屎及熱以反搨頭上須臾蟲出著肚若不盡更作取令無蟲即休

又方末藜蘆以臘月猪膏和塗之五月漏蘆草燒作

灰膏和使塗之皆先用鹽湯洗乃傳

又方羊蹄草根獨根者勿見風日及婦女雞犬以三年醋研和如泥生布拭瘡令赤以傳之

姚方以羊肉如作脯法炙令香及熱以榻上不過三四日差

又方先以皂莢湯熱洗拭乾以少油麻塗再三即差
附方

千金方治遍身風痒生瘡疥

以葢藜子苗煮湯洗之立差千金翼方同

又方茵陳蒿不計多少煮濃汁洗之立差
千金翼方瘡癬初生成始痛痒

以薑黃傳之抄

又方嚼鹽塗之抄

又方漏瘡瘡濕癬痒浸淫日瘞痒不可忍搔之黃水
出差後復發

取羊蹄根去土細切搗以大醋和淨洗傳上一時
間以冷水洗之日一傳差若為末傳之抄

外臺祕要治癬瘡方

取蟾蜍燒灰末以猪脂和傳之

又方治乾癬積年生痂瘡之黃水出每逢陰雨即痒
用斑蝥半兩微炒為末蜜調傳之

又治疥方

搗羊蹄根和猪脂塗上或者鹽少許佳

斗門方治疥癬

用藜蘆細搗為末以生油調傳之

王氏博濟治疥癬滿身作瘡不可治者

何首烏艾等分以水煎令濃於盆內洗之甚能解

痛生肌肉

簡要濟衆治癬瘡久不差

羊蹄根搗絞取汁用調膩粉少許如膏塗傳癬上三五遍即差如乾即猪脂調和傳之

鬼遺方治疥癬

松膠香研細約酌入少輕粉棗令勻凡疥癬上先用油塗了擦末一日便乾頑者三兩度

聖惠方治癬濕痒

用猪葉半斤細切搗爛傳癬上

楊氏產乳療瘡疥

燒竹葉爲末以雞子白和之塗上不過三四次立差

十全方治疥瘡

巴豆十粒火炮過黃色去皮膜右順手研如麩入酥少許膩粉少許同研勻瓜破以竹篦子點藥不得落眼裏及外腎上如熏炙著外腎以黃丹塗甚妙

經驗方治五般瘡癬

以韭根炒存性旋搗末以猪脂油調傳之三度差千金方療漆瘡

用湯潰芒硝令濃塗之乾即易之

譚氏治漆瘡

漢椒湯洗之即愈

千金翼治漆瘡

羊乳傳之

集驗方治漆瘡

取蓮葉乾者一斤水一斗煮取五升洗瘡上日再

差

斗門方治漆咬

用韭葉研傳之食醫心鏡同

千金方主大人小兒風癢癰瘡心迷悶方

巴豆二兩搥破以水七升煮取三升以帛染拭之

外臺祕要塗風癢

取枳實以醋漬令濕火炙令熟適寒溫用熨上即消

斗門方治癰瘡

棟皮濃煎浴之

梅師方治一切癰

以水煮枳殼為煎塗之乾即又塗之

又方以水煮芒硝塗之

又治風癢癰方

以水煮蜂房取二升入芒硝傳上日五度即差

聖惠方治風癢癰癧遍身痒成瘡

用蠶沙一升水二斗煮取一斗二升去滓溫熱得所以洗之宜避風

千金翼療丹癰癧方

酪和鹽熱煮以摩之手下消

又主大人小兒風癰

茱萸一升酒五升煮取一升帛染拭之

初虞世治皮膚風熱遍身生癰癧

牛蒡子浮萍等分以薄荷湯調下二錢日二服

經驗後方治肺毒瘡如大風疾綠雲散

以桑葉好者淨洗過熟蒸二宿後日乾為末水調二錢七服

肘後方治卒得浸淫瘡轉有汁多起心早治之續身

周匝則殺人

以雞冠血傅之差

又方療大人小兒卒得月蝕方

於月望夕取兔屎及內蝦蟇腹中合燒為灰末以

傅瘡上差

集驗方療月蝕瘡

虎頭骨二兩搗碎同猪脂一升熬成膏黃取塗瘡

上

聖惠方治反花瘡

用馬齒莧一斤燒作灰細研猪脂調傅之

又方治諸瘡腐肉如蝻出數寸

用硫黃一兩細研腐肉上薄塗之即便縮

鬼遺方治一切瘡肉出

以烏梅燒爲灰研末傅上惡肉立盡極妙

簡要濟衆方傳瘡藥

黃藥子四兩爲末以冷水調傅瘡上乾即旋傅之

兵部手集治服丹石人有熱瘡疥不可忍方用紙環

圍腫處中心填硝石令滿匙抄水淋之覺其不熱
疼即止

治頭瘡及諸熱瘡

先用醋少許和水淨洗去痂再用溫水洗裏乾百

草霜細研入膩粉少許生油調塗立愈

治惡瘡

唐人記其事云江左嘗有商人左膊上有瘡如人
面亦無它苦商人戲滴酒口中其面亦赤色以物
食之亦能食食多則寬膊肉肉脹起或不食之則
一臂痺有善醫者教其歷試諸藥金石草木之類

悉試之無苦至貝母其瘡乃聚眉閉口商人喜曰
此藥可治也因以小箬筒毀其口灌之數日成痂
遂愈然不知何疾也謹按本經主金瘡此豈金瘡
之類歟

治卒得癩皮毛變黑方第四十

癩病方

初覺皮膚不仁或淫淫苦痒如蟲行或眼前見物
如垂絲或癭癬赤黑此即急瘰蠻夷酒佳善

療白癩

苦參五斤酒三斗清飲勿絕并取皮根末服効驗

又方艾千莖濃煮以汁漬麴作酒常飲使醺醺姚同
姚方大蝮蛇一枚切勿令傷以酒漬之大者一斗小
者五升以糠火溫令取蛇一寸許以臘月猪

膏和傅瘡差

亦療鼠瘦諸惡瘡

苦參二斤露蜂房二兩麴二斤水三斗漬藥二宿
去滓黍米二升釀熟稍飲日三一方加蛎皮更佳

附方

聖惠方治大風癩疾骨肉疽敗百節疼痛鬚墮落
身體習習痒痛

以馬先蒿細剉炒爲末每空心及晚食前溫酒調
下二錢匕

又方治大風疾令眉鬢再生

用側柏葉九蒸九曝搗羅爲末煉蜜和丸如梧桐
子大日三服夜一服熟水下五九十九百日即生
又方治大風頭面鬚髮脫落

以桑柴灰熟湯淋取汁洗面以大豆水研取漿解
澤灰味彌佳次用熟水入菘豆

十度良三日一沐頭一日一洗面

又方治白癩

用馬鞭草不限多少爲末每服食前用荊芥薄荷
湯調下一錢匕

食療治癩

可取白蜜一斤生薑二斤搗取汁先稱銅鐺令知
斤兩即下蜜於鐺中消之又秤知斤兩下薑汁於
蜜中微火煎令薑汁盡秤蜜斤兩在即休藥已成
矣患三十年癩者平旦服棗許大一丸一日三服
酒飲任下忌生冷醋滑臭物功用甚多活人衆矣
不能一一具之

外臺祕要治惡風疾

備身要方
三十一
松脂煉投冷水中二十次蜜丸服二兩飢即服之
日三鼻柱斷離者三百日差斷鹽及房室

抱朴子云

趙瞿病癩歷年醫不差家乃齋糧棄送於山穴中
瞿自怨不幸悲歎涕泣經月有仙人經穴見之哀
之具問其詳瞿知其異人也叩頭自陳乞命於是
仙人取囊中藥賜之教其服百餘日瘡愈顏色悅
肌膚潤仙人再過視之瞿謝活命之恩乞遺其方
仙人曰此是松脂彼中極多汝可煉服之長服身
轉輕力百倍登危涉險終日不困年百歲齒不墮

髮不白夜卧常見有光大如鏡

感應神仙傳云崔言者職隸左親騎軍一旦得疾雙
眼昏咫尺不辨人物眉髮自落鼻梁崩倒肌膚有瘡
如癬皆謂惡疾勢不可救因為洋州駱谷子歸塞使
遇一道流自谷中出不言名姓授其方曰

皂角刺一二斤爲灰蒸又攪研爲末食上濃煎大
黃湯調一錢七服一旬鬢髮再生肌膚悅潤愈眼
目倍常明得此方後却入山不知所之

朝野僉載云

商州有人患大風家人惡之山中爲起茅屋有烏

蛇墜酒罌中病人不知飲酒漸差罌底尚有蛇骨方知其由也用道謹按李肇國史補云李舟之弟患風或說蛇酒治風乃求黑蛇生置甕中醞以麴藥數日蛇聲不絕及熟香氣酷烈引滿而飲之斯須悉化爲水唯毛髮存焉僉載之說恐不可輕用

治卒得蟲鼠諸瘰方第四十一後有瘰癧

姚云凡有腫皆有相主患者宜檢本方多發頭兩邊累累有核

姚方鼠瘻腫核痛未成膿方

以栢葉俾著腫上熬鹽著葉上熨令熱氣下即消

葛氏卒得鼠瘻有瘰癧未發瘡而速孰者速瘰方

搗烏雞足若車前草傳之

若已有核膿血出者

以熟牛屎塗之日三

又方取白鮮皮煮服一升當吐鼠子

又方取猫狸一物料理作羹如食法空心進之鼠子死出又當生吞其功彌効

又方取鼠中者一枚亂髮如雞子大以三歲臘月猪脂煎之令鼠骨肉及髮消盡半塗之半酒服鼠從瘡中出姚云祕不傳之法

劉涓子鼠瘻方

以龜殼甘草炙桂心雄黃乾薑狸骨炙六物分等
搗下蜜和內瘡中無不差先灸作瘡後與藥良
又方柞木皮五升以酒一斗合煎熟出皮煎汁令得
二升服之盡有宿肉出愈

交瘻瘡坐肉膏

棟樹白皮鼠肉當歸各二兩雒白三兩生地黃五
兩臘月猪脂三升煎膏成傅之孔上令生肉

葛氏若瘡多而孔小是蟻瘻方

燒鱣鯉甲猪膏和傅

又方燒蜘蛛二七枚傅良

又瘻方

煎桃葉枝作煎淨洗瘡了內孔中大驗方

葛氏若著口裏

東行棟根細剉水煮取清汁含之數吐勿嚥

肉瘻方

槐白皮搗丸綿裹內下部中傅効

鼠瘻方

石南生地黃雌黃茯苓黃連各二兩爲散傅瘡上

日再

又方礬石三分燒斑猫一分炙去頭足搗下用醋和服半七須臾瘰蟲從小便中出剛繁方

附方

肘後方治風瘰

露蜂房一枚炙令黃赤色爲末每用一錢臘月猪脂勻調傅瘡上

千金方治鼠瘰

以雞子一枚米下熬半日取出黃熬令黑先拭瘡上汁令乾以藥內瘡孔中三度即差

千金翼治蟻瘰

取鮫鯉甲二七枚末猪膏和傅之

聖惠方治螻蛄瘰

用柵葉燒灰細研以泔別浸柵葉取洗瘡拭之內少許灰於瘡中

又方治一切瘰

煉成松脂末填瘡孔令滿日三四度用之

治卒陰腫痛類卵方第四十二

葛氏男子陰卒腫痛方

灸足大指第二節下橫文理正中央五壯佳姚云足大指本三壯

又方桃核中仁熬末酒服如彈丸姚云不過三
又方龜中黃土末以雞子黃和傅之蛇床子末和雞

子黃傅之亦良

又方搗蕪菁根若馬鞭草傅並良姚同

又方雞翮六枚燒并蛇床子末分等合服少隨卵左

右傳卵佳姚方無蛇床子

小兒陰疝發時腫痛

依仙翁前灸法隨左右灸差

隨痛如刺方

但服生夜干汁取下亦可服丸藥下之云作走馬

湯亦在尸注中有

陰丸卒縮入腹急痛欲死名陰疝

狼毒四兩防風二兩附子三兩燒蜜丸服三九如

桐子大日夜三度

陰莖中卒痛不可忍

雄黃礬石各二兩甘草一尺水五升煮取二升漬

姚云療大如斗者

葛氏男子陰瘡損爛

煮黃檗洗之又白蜜塗之

又方黃連黃檗分等末之煮取肥猪肉汁漬瘡訖粉

之姚方蜜煎甘草末塗之比者見有陰頭腫項下
瘡欲斷者猪肉汁漬依姚方即神効

陰蝕欲盡者

煨蒼兔矢分等末敷瘡上

陰痒汁出

爵生大豆黃塗之亦療尿灰瘡

姚療陰痒生瘡

爵胡麻塗之

葛療陰囊下濕痒皮剝

烏梅十四枚錢四十文三指撮鹽苦酒一升於銅

器內總清九日日洗之又煮槐皮若黃蘗汁及香
葉汁並良

療人陰生瘡濃出曰方

高昌白礬一小兩搗細麻人等分研煉猪脂一合
於甕器中和攪如膏然後取槐白皮切作湯以洗
瘡上拭令乾即取膏塗上然後以楸葉帖上不過

三

又陰瘡有二種

一者作白膿出曰陰蝕瘡二者但亦作瘡名爲熱
瘡若是熱即取黃蘗一兩黃芩一兩切作湯洗之

仍取黃連黃檗作末傳之

女子陰瘡

末硫黃傳上姚同又燒杏仁搗塗之

又方末雄黃礬石各二分麝香半分搗傳姚同

若陰中痛

礬石二分熬大黃一分甘草半分末綿裹如棗以

道芝之取差

若有息肉突出

以苦酒三升漬烏喙五枚三日以洗之日夜三四度

若苦痒搔之痛悶

取猪肝炙熟內陰中當有蟲著肝

小兒禿方

取白頭翁根搗傳一宿或作瘡二十日愈

灸頰

但灸其上又灸莖上又灸白小腹脉上及灸脚大

指三中灸一壯又灸小指頭隨頰左右著灸

姚氏方

楊柳枝如足大指大長三尺二十枚水煮令極熟以故紙及羶掩腫處取熟柳枝更取柱之如此取

得差止

又卵頰

熟搗桃仁傅之亦療婦人陰墮燥即易之

小品牡丹散療頰偏大氣脹方

牡丹防風桂心豉熬鐵粉分等合搗下服方寸匕
小兒一刀圭二十日愈大良嬰兒以乳汁和如大
豆與之

不用藥法療頰必差方

令病人自把糯米餅子一枚并皂莢刺一百箇就
百姓間坐社處先將皂莢刺分合社人社官三老
已下各付一針即出餅子示人從頭至尾皆言從
社官已下乞針捶社人問云捶何物病人云捶人
魁周匝總遍訖針並挿盡即時餅却到家手掌於
一處餅乾頰不覺自散永差極神効

附方

千金方有人陰冷漸漸冷氣入陰囊腫滿恐死日夜
疼悶不得眠

取生椒擇之令淨以布帛裹著丸囊令厚半寸須
更熱氣大通日再易之取消差

又外臺祕要方

萬壽膏
三升
煮大薊根汁服之立差

梅師方治卒外腎偏腫疼痛

大黃末和醋塗之乾即易之

又方挂心末和水調方寸七塗之

又方治卒外腎偏癢

皂莢和皮爲末水調傅之良

初虞世方治水癩偏大上下不定疼痛

牡蠣不限多少鹽泥固濟炭三斤煨令火盡冷取

二兩乾薑一兩炮右爲細末用冷水調稀稠得所

塗病處小便利即愈

經驗方治丈夫本藏氣傷膀胱連小腸等氣金鈴子

一百箇溫湯浸過去皮巴豆二百箇槌微破麩二

升同於銅鍋內炒金鈴子赤熟爲度放冷取出去

核爲末每服三錢非時熟酒醋湯調並得其麩巴

豆不用也

外臺祕要治膀胱氣急宜下氣

蕪荑搗和食鹽末二物等分以綿裹如棗大內下

部或下水惡汁并下氣佳

又治陰下濕

吳茱萸一升水三升煮三沸去滓洗痒差

又治陰頭生瘡

以蜜煎甘草塗之是

千金方治丈夫陰頭癰師所不能治

烏賊魚骨末粉傅之良

又千金翼方

鼈甲一枚燒令末以雞子白和傅之良

葛仙翁肘後備急方卷之五

葛仙翁肘後備急方卷之六

陸六

治目赤痛暗昧刺諸病方第四十三

華他禁方

令病人自用手兩指摩所患眼垂空呪之曰足足
屋舍狹窄不容宿客即出也

傷寒方末亦有眼方姚方目中冷淚出皆赤痒乳汁

煎方

黃連三分麩仁二分乾薑四分以乳汁一升漬一

宿微火煎取三合去滓取米大傅皆

睛爲所傷損破方

牛旋日二點避風黑睛破亦差

附方

范注方主目中淚出不得開即刺痛方

以鹽如大豆許內目中習習去鹽以冷水數洗目差

博濟方治風毒上攻眼腫痒澁痛不可忍者或上下
臉皆赤爛浮醫瘀肉侵睛神効驅風散五倍子一
兩蔓荊子一兩半同杵末每服二錢水二盞銅石
器內煎及一盞澄滓熱淋洗留滓二服又依前煎
淋洗大能明眼目去澁痒

簡要濟衆治肝虛目睛疼冷淚不止筋脉痛及眼羞

明怕日補肝散

夏枯草半兩香附子一兩共爲末每服一錢臈茶
調下無時

聖惠方治眼痒急赤澀用犬膽汁注目中

又方治風赤眼

以地龍十條炙乾爲末夜臥以冷茶調下二錢匕

又方治傷寒熱毒氣攻眼生白翳

用烏賊魚骨二兩不用大皮杵末入龍腦少許更
研令細日三四度取少許點之

又方治又患內障眼

車前子乾地黃麥門冬等分爲末蜜丸如梧桐子

大服屢効

治目方用黃連多矣而羊肝丸尤奇異

取黃連末一大兩白羊子肝一具去膜同於砂盆內研令極細衆手搥爲丸如梧桐子每食以煖漿水吞二七枚連作五劑差但是諸眼目疾及障翳青盲皆主之禁食猪肉及冷水劉禹錫云有崔承元者因官治一死罪囚出活之因後數年以病自致死一旦崔爲內障所苦喪明逾年後半夜歎息

獨坐時聞階除間悉窣之聲崔問爲誰曰是昔所蒙活者因今故報恩至此遂以此方告訖而沒崔依此合服不數月眼復明因傳此方於世

又方今醫家洗眼湯

以當歸芍藥黃連等分停細以雪水或甜水煎濃汁乘熱洗冷即再溫洗甚益眼目但是風毒赤目花翳等皆可用之其說云凡眼目之病皆以血脉凝滯使然故以行血藥合黃連治之血得熱即行故乘熱洗之用者無不神効

又方治雀目不計時月

用蒼朮二兩搗羅爲散每服一錢不計時候以好
羊子肝一箇用竹刀子批破藥在內麻繩纏定
以粟米泔一大盞煮熟爲度患人先薰眼藥氣絕
即喫之簡要濟衆治小兒雀目

梅師方治目暗黃昏不見物者

以青羊肝切淡醋食之煮亦佳

又方治眼睛無故突一二寸者

以新汲水灌清睛中數易水睛自入

崔元亮海上方著此三名一名西國草一名畢楞伽
一名覆盆子治眼暗不見物冷淡浸淫不止及青

盲天行目暗等取西國草日暴乾搗令極爛薄綿
裹之以飲男乳汁中浸如人行八九里久用點目
中即仰卧不過三四日視物如少年禁酒油麵
千金方點小兒黑花眼醫澀痛

用具齒一兩燒作灰研如麵入少龍腦點之妙

又方常服明目洞視

胡麻一石蒸之三十遍末酒服每日一升

又方古方明目黑髮槐子於牛膽中漬陰乾百日食
後吞一枚十日身輕三十日白髮黑百日內通神
孫真人食忌主眼有翳

取芒消一大兩置銅器中急火上煉之放冷後以生絹細羅點眼角中每夜欲卧時一度點妙

經驗方退翳明目白龍散

馬牙消光淨者用厚紙裹令按實安在懷內着肉處養一百二十日取出研如粉入少龍腦同研細不計年歲深遠眼內生翳膜漸漸昏暗遠視不明但瞳人不破散並醫得每點用藥末兩米許點目

中

又方治內外障眼

蒼朮四兩米泔浸七日逐日換水後刮去黑皮細

切入青鹽一兩同炒黃色爲度去鹽不用木賊二兩以童子小便浸一宿水淘焙乾同搗爲末每日不計時候但飲食蔬菜內調下一錢七服甚驗
經驗後方治虛勞眼暗

採三月蔓菁花陰乾爲末以井花水每空心調下二錢七久服長生可讀夜書

外臺秘要主目翳及努肉

用礬石最白者內一黍米大於翳上及努肉上即冷淚出綿拭之令惡汁盡其疾日日減翳自消薄便差礬石須真白好者方可使用

又補肝散治三十年失明

羨梨子七月七日收陰乾搗散食後水服方寸七
又療盲

猪膽一枚微火上煎之可丸如黍米大內眼中食
頃良

又方治翳如重者

取猪膽白皮曝乾合作小繩子如麤釵股大小燒
作灰待冷便以灰點翳上不過三五度即差

又方輕身益氣明目

蕪菁子一升水九升煮令汁盡日乾如此三度搗

末水服方寸七日三

斗門方治火眼

用艾燒令煙起以椀蓋之候煙上椀成煤取下用
溫水調化洗火眼即差更入黃連甚妙

廣利方治眼築損努肉出

生杏仁七枚去皮細嚼吐於掌中及熟以綿裹筋
頭將點努肉上不過四五度差

藥性論云

空心用鹽揩齒少時吐水中洗眼夜見小字良
顧含養嫂失明

含膏藥視膳不冠不食嫂目疾須用蚌蚶膽含計
盡求不得有一童子以一合授含含開乃蚌蚶膽
也童子出門化為青鳥而去嫂目遂差

治卒耳聾諸病方第四十七

葛氏耳卒聾

取鼠膽內耳內不過三愈有人云側卧瀝一膽盡
須臾膽汁從下邊出初出益聾半日頃乃差治三
十年老聾

又方巴豆十四枚搗鵝脂半兩火鎔內巴豆和取如
小豆綿裹內耳中差日一易姚云差三十年聾

若卒得風覺耳中恍惚者

急取鹽七升餽蒸使熱以耳枕鹽上冷復易亦療
耳卒痰痛蒸熱

又方栝萋根削令可入耳以臈月猪脂煎三沸出塞
耳每日作三七日即愈

姚氏耳痛有汁出方

熬杏仁令赤黑搗如膏以綿裹塞耳日三易三日
即愈

聾耳耳中痛膿血出方

月下灰吹滿耳令深入無苦即自出

耳聾菖蒲根丸

菖蒲根一寸巴豆一粒去皮心二物合搗篩分作
七丸綿裹卧即塞夜易之十日立愈黃汁立差
耳中膿血出方

細附子末以葱涕和灌耳中良單葱涕亦佳側耳
令入耳

耳中常鳴方

生地黃切以塞耳日十數易

小品療聾耳出膿汁散方

礬石二兩燒黃連一兩烏賊魚骨一兩三物爲散

即如棗核大綿裹塞耳日再易

更加龍骨

耳聾巴豆丸

巴豆一枚去心皮斑猫一枚去翅足二物合搗篩
綿裹塞耳中再易甚驗云此來所用則良

又方礬石菖蒲通草薰陸香杏仁草麻松脂搗篩爲
末分等蠟及鵝脂和硬和爲丸稍長用釵子穿心
爲孔先去耳塞然後內於藥日再初著痒及作聲
月餘總差殿中侯監効

耳卒痛

蒸鹽熨之

痛不可忍求死者

菖蒲附子各一分末和烏麻油煉點耳中則立止

疇耳膿血出

車轄脂塞耳中膿血出盡愈

附方

肘後方療耳卒腫出膿水方

礬石燒末以筆管吹耳內日三四度或以綿裹塞耳中立差

經驗方治底耳方

用桑螵蛸一箇慢火炙及八分熟存性細研入麝香一字為末摻在耳內每用半字如神効如有膿先用綿包子搮去次後糝蘇末入耳內

又方治耳卒聾

巴豆一粒蠟裹針刺令通透用塞耳中

梅師方治耳久聾

松脂三兩煉巴豆一兩相和熟搗可丸通過以薄綿裹內耳孔中塞之日一度易

聖惠方治腎氣虛損耳聾

用鹿腎一對去脂膜切於豉汁中入粳米二合和

煑粥入五味之法調和空腹令之作羹及酒並得
杜壬方治耳聾因腎虛所致十年內一服愈蠟至小
者四十九枚生薑如蠟大四十九片二物銅器內
炒至生薑乾為度為末都作一服初夜溫酒下至
二更盡盡量飲酒至醉不妨次日耳中如笙簧即
効

勝金方治耳聾立効

以乾地龍入鹽貯在葱尾內為水點之

千金方治耳聾

以雄黃硫黃等分為末綿裹塞耳中

又方酒三升漬牡荊子一升碎之浸七日去滓任性
服盡三十年聾差

又方以醇酢微火煎附子削令尖塞耳効

外臺祕要治聾

芥子搗碎以人乳調和綿裹塞耳差

楊氏產乳方療耳鳴無晝夜

烏頭燒作灰菖蒲等分為末綿裹塞耳中日再用

効

治耳為百蟲雜物所入方第四十八

葛氏百蟲入耳

以好酒灌之起行自出

又方開氣令人以蘆吹一耳

又方以桃葉塞兩耳立出

蜈蚣入耳

以樹葉裹鹽灰令熱以掩耳令復易立出

蚰蜒入耳

熬胡麻以萑囊貯枕之蟲聞香則自出

蟻入耳

炙猪脂香物安耳孔邊即自出

神効方蚰蜒入耳

以牛酪灌滿耳蚰蜒即出出當半銷若入腹中空
腹食好酪一二升即化為黃水而出不盡更作服
手用神驗無比此方是近得

又方小鷄一隻去毛足以油煎令黃筋穿作孔枕之
又方取蛭蚓內葱葉中並化為水滴入耳中蚰蜒亦
化為水矣

附方

勝金方主百蟲入耳不出

以鷄冠血滴入耳內即出

又千金方擣韭汁灌耳中差

又方治耳中有物不可出

以麻繩剪令頭散傳好膠著耳中物上粘之令相著徐徐引之令出

又梅師方取車釭脂塗耳孔中自出

續十全方治蟲入耳

秦椒末一錢醋半盞浸良久少少灌耳蟲自出

外臺祕要肘後治蟻入耳

燒鯪鯉甲末以水調灌之即出

劉禹錫傳信方治蚰蜒入耳

以麻油作煎餅枕卧須臾蚰蜒自出而差李元淳

尚書在河陽日蚰蜒入耳無計可爲半月後腦中

洪洪有聲腦悶不可徹至以頭自擊門柱奏疾狀

危極因發御藥以療之無差者爲受苦不念生存

忽有人獻此方乃愈

兵部手集治蚰蜒入耳

小蒜汁理一切蟲入耳皆同

錢相公篋中方治百節蚰蜒并蟻入耳

以苦醋注之起行即出

聖惠方治飛蛾入耳

醬汁灌入耳即出又擊銅器於耳傍

經驗方治水入耳

以薄荷汁點立効

治卒食噎不下方第四十九

葛氏方取少蜜含之即立下

又方取老牛涎沫如棗核大置水中飲之終身不復患噎也

附方

外臺祕要治噎

羚羊角屑一物多少自在末之飲服方寸匕亦可
以角摩噎上良

食醫心鏡治卒食噎

以陳皮一兩湯浸去穰焙爲末以水一大盞煎取
半盞熱服

聖惠方治膈氣咽喉噎塞飲食不下

用碓背上細糠蜜丸彈子大非時含一丸嚥津

廣五行記云求徽中絳州僧病噎不下食告弟子吾
死之後便可開吾胃喉視有何物言終而卒弟子
依言而開視胃中得一物形似魚而有兩頭遍體
是肉鱗弟子置器中跳躍不止戲以諸味皆隨化
盡時夏中蓋多作澱有一僧以澱置器中此蟲遂

遶器中走須史化爲水

治卒諸雜物鯁不下方第五十

食諸魚骨鯁

以魚骨於頭上立即愈下云警欬即出

又方小爵雉白令柔以繩擊中持繩端吞雉致鯁處引之鯁當隨出

療骨鯁

仍取所餘者骨左右手反覆擲背後立出

雜物鯁方

解衣帶目窺下部不下即出

又方好蜜以匕抄稍稍咽之令下

魚骨鯁在喉中衆法不能去者方

取飴糖丸如雞子黃大吞之不去又吞以漸大作丸用得効

附方

斗門方治骨鯁

用鹿角爲末含津嚥下妙

外臺祕要療鯁

取虎骨爲末水服方寸匕

又方螻蛄腦一物吞亦治刺不出傳之刺即出

又方口稱鷓鴣則下

又古今錄驗療魚鯁骨橫喉中六七日不出取鯉魚鱗皮合燒作屑以水服之則出未出更服

勝金方治小兒大人一切骨鯁或竹木簽刺喉中不下方

於臘月中取鰕魚膽懸比簷下令乾每魚鯁即取一皂子許以酒煎化溫溫呷若得逆便吐骨即隨頑涎出若未吐更喫溫酒但以吐爲妙酒即隨性量力也若未出更煎一塊子無不出者此藥但是鯁物在藏腑中日久痛黃瘦甚者服之皆出若卒

求鰕魚不得蠡魚鮫魚鯽魚俱可臘月收之甚佳
孟詵云人患卒瘕

取杏仁三分去皮尖熬別杵桂一分和如泥取李核用綿裹全細細嚙之日五夜三

治卒誤吞諸物及患方第五十一

葛氏誤吞釵方

取雞曝令萎煮使熟勿切食一大束釵即隨出生
麥萊若節縷皆可用

誤吞釘及箭金針錢鐵等物方

多食肥羊脂諸般肥肉等自裹之必得出

吞諸珠璫鐵而鯁方

燒弩銅令赤內水中飲其汁立愈

誤吞錢

燒火炭末服方寸七即出小品同

又方服蜜三升即出

姚氏食中吞髮繞喉不出方

取梳頭髮燒作灰服一錢七

吞鏹若指疆

燒鴉羽數枚末飲之

吞錢

膈月米飴頓服半升

又方濃煎艾汁服効

附方

聖惠方治誤吞銀鏹子釵子

以水銀半兩服之再服即出

又方治小兒誤吞針

用磁石如棗核大磨令光鑽作竅絲穿令含針自

出

又方治小兒誤吞銅鐵物在咽喉內不下

用南燭根燒細研熟水調一錢下之

錢相公篋中方療誤吞錢

以磁石棗許大一塊含之立出

又方取艾蒿一把細對用水五升煎取一升頓服便

下

又外臺祕要

取餡糖一斤漸漸盡食之鏹及釵便出

又楊氏產乳

葉耳頭一把以水一升浸水中十餘度飲水愈

孫用和方治誤吞金銀或錢在腹內不下方石灰一

杏核大硫黃一皂子大同研爲末酒調下不計時

候

姚氏方治食中誤吞髮繞喉不出

取已頭亂髮燒作灰服一錢七水調

陳藏器云

故錫無毒主誤吞竹木入喉咽出入不得者燒令

赤漬酒中及熱飲並得

治面皸髮禿身臭心昏鄙醜方第五十二

葛氏療年少氣克面生皸瘡

胡粉水銀臘月豬脂和熟研令水銀消散向暝以粉面曉拭去勿水洗至暝又塗之三度即差姚方

同

又方塗麋脂即差

又方三歲苦酒漬雞子三宿軟取白以塗上

隱居効方炮瘡方

黃連牡蠣各二兩二物搗篩和水作泥封瘡上濃

汁粉之神驗

冬蔡散

冬蔡子栝子仁茯苓瓜瓣各一兩四物為散食後

服方寸七日三酒下之

瘡面及鼻酒皴方

真珠胡粉水銀分等豬脂和塗又鷓鴣矢和臘月

豬脂塗亦大驗神効

面多黥黯或似雀卵色者

苦酒煮木常以拭面稍稍自去

又方新生雞子一枚穿去其黃以朱末一兩內中漆

固別方云蠟塞以雞伏著例出取塗面立去而白

又別方出西王母枕中陳朝張貴妃常用膏方雞

子一枚丹砂二兩末之仍云安白雞腹下伏之餘

同雞子令面皮急而光滑丹砂發紅色不過五度

傅面面白如玉光潤照人大佳

卒病餘面如米粉傳者

熬礬石酒和塗之姚云不過三度

又方白欬二分杏仁半分雞矢白一分搗下以蜜和之雜水以拭面良

療人頭面患癰瘍方

雄黃硫黃礬石末豬脂和塗之

又方取生樹木孔中虫汁拭之末桂和傅上日再三
又方蛇蛻皮熟以磨之數百度令熟乃棄草中勿顧
療人面體黎黑膚色鹿陋皮厚狀醜
細搗殺羊脛骨雞子白和傅面乾以白梁米泔汁

洗之三日如素神効

又方無菁子二兩杏仁一兩並搗破桔萸去子囊豬
胰五具淳酒和夜傅之寒月以為手面膏別方云
老者少黑者白亦可加土苴根一兩大棗七枚自
漸白悅姚方豬胰五具神驗

隱居効驗方面黑令白去黯方

烏賊魚骨細辛桔萸乾薑椒各二兩五物切以苦
酒漬三日以成鍊牛髓二斤煎之苦酒氣盡藥成
以粉面醜人特異鮮好神妙方

又令面白如玉色方

備身要方
七
羊脂狗脂各一升白芷半升甘草一尺半夏半兩
烏喙十四枚合煎以白器成塗面二十日即變兄
弟不相識何況餘人乎

傳効方療化面方

五

真珠屑光明砂並別熟研冬放陳人各二兩亦研
水銀四兩以四五重帛練袋子貯之銅鑪中醋漿
微火煮之一宿一日堪用取水銀和面脂熟研使
消乃合珠屑砂并苒子末更合調然後傳面

又療人面無光潤黑黥及皺常傳面脂方

細辛萎蕤黃耆薯蕷白附子辛夷芎藭白芷各一

兩栝萸木蘭皮各一分成鍊豬脂二升十一物切
之以綿裹用少酒漬之一宿內豬脂煎之七上七
下別出一片白芷內煎候白芷黃色成去滓絞用
汁以傳面千金不傳此膏亦療金瘡并吐血

療人黥人面皮薄如薜華方

鹿角尖取實白處於平石上以磨之稍濃取一大
合乾薑一大兩搗密絹篩和鹿角汁攪使調勻每
夜先以暖漿水洗面軟帛拭之以白蜜塗面以手
拍使蜜盡手指不粘為盡然後塗藥平旦還以暖
漿水洗二三日顏色驚人塗藥不見風日慎之

又面上暴生黥方

生杏仁去皮搗以雞子白和如煎餅麵入夜洗面
乾塗之旦以水洗之立愈姚方云經宿拭去

面上碓礬子化面並療仍得光潤皮急方

土苳根搗篩以漿水和令調勻入夜漿水以洗面
塗藥旦復洗之百日光華射人夫妻不相識

葛氏服藥取白方

取三樹桃花陰乾末之食前服方寸七日三姚云
并細腰身

又方白苺子中仁五分白楊皮二分桃花四分搗末

食後服方寸七日三欲白加苺子欲赤加桃花三
十日面白五十日手足俱白又一方有橘皮三分
無楊皮

又方女苑三分鉛丹一分末以醋漿服一刀圭日三
服十日大便黑十八十九日如漆二十一日全白
便止過此太白其年過三十難復療服藥忌五辛
又方朱丹五兩桃花三兩末并朝水服方寸七日三
服十日知二十日太白小便當出黑汁

又方白松脂十分乾地黃九分乾漆五分熬附子一
分炮桂心二分搗下篩蜜丸服十九日三諸蟲悉

出便肥白

又方乾薑桂甘草分等末之且以生雞子一枚內一升酒中攪溫以服方寸七十日知一月白光潤

又方去黑

羊膽豬胰細辛等分煎三沸塗面咽旦醋漿洗之

又方茯苓白石脂分等蜜和塗之日三度

服一種藥一月即得肥白方

大豆黃炒舂如作醬滓取純黃一大升搗篩煉豬脂和令熟丸酒服二十九日再漸加至三四十丸服盡五升不出一月即大能食肥白試用之

療人鬚鬢禿落不生方

麻子人三升秦椒二合置泔汁中一宿去滓日一沐一月長二尺也

又方蔓荊子三分附子二枚碎酒七升合和器中封

二七日澤沐十日長一尺勿近面上恐有毛生

又方桑白皮剉三二升以水淹煮五六沸去滓以洗鬚鬢數數為之即自不落

又方麻子人三升白桐葉一把米泔煮五六沸去滓以洗之數之則長

又方東行桑根長三尺中央當髀節上蒸之承取兩

頭汁以塗鬚鬢則立愈

療鬚鬢黃方

燒梧桐灰乳汁和以塗膚及鬚鬢佳

染髮鬚白令黑方

醋漿煮豆漆之黑如漆色

又方先洗鬚髮令淨取石灰胡粉分等漿和溫夕卧

塗訖用油衣包裹明日洗去便黑大佳

又拔白毛令黑毛生方

拔去白毛以好白蜜任孔中即生黑毛眉中無毛

亦針挑傷傳蜜亦毛生比見諸人水取石子研丁

香汁拔訖急手傳孔中亦即生黑毛此法大神驗

若頭風白屑檢風條中方脂澤等方在此篇末

姚方療黥

白蜜和茯苓塗上滿七日即愈

又療面胡粉刺方

搗生菟絲絞取汁塗之不過三五上

又黑面方

牯羊膽牛膽淳酒三升合煮三沸以塗面良

面上惡瘡方

黃連黃蘗胡粉各五兩下篩以粉面上瘡瘡方並

本條中患宜檢用之

葛氏療身體及腋下狐臭方

正旦以小便洗腋下即不臭姚云大神驗

又方燒好礬石作末絹囊貯常以粉腋下又用馬齒

礬石燒令汁盡粉之即差

又方青木香二兩附子一兩石灰一兩細末著粉腋

中汁出即粉之姚方有礬石半兩燒

又方炊飯及熟丸以拭腋下臭仍與犬食之七日一

如此即差

又方煮兩雞子熟去殼皮各內腋下冷棄三路口勿

及顧三爲之良

姚方取牛脂胡粉合椒以塗腋下宿即愈可三兩

度作之則永差

又兩腋下及手足掌陰下股裏常汗濕致臭方

乾枸杞根干畜根甘草半兩干草陸胡粉滑石各

一兩六物以苦酒和塗腋下當汁出易衣更塗不

過三傳便愈或更發復塗之不可多傳傷人腋餘

處亦塗之

若股內陰下常濕且臭或作瘡者方

但以胡粉一分粉之即差常用驗方

隱居効方療胡臭

雞舌藿香青木香胡粉各二兩爲散內腋下綿裹之常作差

令人香方

白芷薰草杜若杜蘅藁本分等蜜丸爲丸但旦服三丸暮服四丸二十日足下悉香云穴神驗

又方瓜子芎藭藁本當歸杜蘅細辛各二分白芷桂各五分擣下食後服方寸七日三服五日口香一十日肉中皆香神良

小品又方

甘草松樹根及皮大棗甜瓜子四物分等末服方寸七日三二十日覺効五十日身體並香百日衣服床幃皆香姚同

療人心孔惛塞多忘喜誤

七月七日取蜘蛛網着領中勿令人知則永不忘也姚方同

又方丁酉日密自至市買遠志著巾角中還未服之勿令人知姚同

又方丙午日取鼈甲著衣帶上良

又方取牛馬豬雞心干之末向日酒服方寸七日三

問一知十

孔子大聖智枕中方已出在第九卷姚同

又方茯苓茯神人參五分遠志七分菖蒲二分末服
方寸七日三夜一服

又方章陸花陰干一百日擣末暮水服方寸七暮則
思念所欲知事即於眠中醒悟

又方上黨人參半斤七月七日麻敦一升合擣蒸使
氣盡遍服一刀圭暮卧逆知未然之事

療人嗜眠喜睡方

馬頭骨燒作灰末服方寸七日三夜一

又方文鼠目一枚燒作屑魚膏和注目外背則不肯
眠兼取兩目絳囊裹帶

又方麻黃木各五分甘草三分日中南擣末服一方
寸七日三姚方人不忘

菖蒲三分茯苓五分伏神人參各五分遠志七分
末服方寸七日三夜一五日則知神良

傳用方頭不光澤臘澤飾髮方

青木香白芷零陵香甘松香澤蘭各二分用綿裹
酒漬再宿內油裏煎再宿加臘澤斟量硬軟即火
急煎著少許胡粉煙脂訖又緩火煎令粘極去滓

作槌以飾髮神良

作香澤塗髮方

依臘澤藥內漬油裏煎即用塗髮亦綿裏煎之

作手脂法

猪胰一具白芷桃人碎各一兩辛夷各二分冬朮
人二分細辛半分黃芩栝婁人各三分以油一大
升煮白芷等二三沸去滓按猪胰取盡乃內冬朮
桃人末合和之膏成以塗手掌即光

華豆香藻法

華豆一升白附苧窮白芍藥水枯藁當陸桃人冬

朮人各二兩擣篩和合先用水洗手面然後傳藥
粉飾之也

六味薰衣香方

沉香一片麝香一兩蘇合香蜜塗微火炙少令變
色白膠香一兩擣沉香令破如大豆粒丁香一兩
亦別擣令作三兩段擣餘香訖蜜和為炷燒之若
薰衣著半兩許又藿香一兩佳

葛氏既有膏傳面染髮等方故疏脂澤等法亦粉飾
之所要云

髮生方

蔓荊子三分附子二枚生用並碎之二物以酒七升和内菴器中封閉經二七日藥成先以灰汁淨洗鬚髮痛拭乾取烏雞脂搯一日三遍凡經七日然後以藥塗日三四遍四十日長一尺餘處則勿塗

附方

肘後方姚氏療黚

茯苓末白蜜和塗上滿七日即愈

又方療面多奸黚如雀卵色

以殺羊膽一枚酒二升合煮三沸以塗拭之日三

度差

千金方治血黚面皴

取蔓菁子爛研入常用面脂中良

崔元亮海上方滅癩膏

以黃礬石燒令汁出胡粉炒令黃各八分惟須細研以臈月豬脂和更研如塗先取生布搯令痛則用藥塗五度又取鷹屎白鷄窠中草燒作灰等分和人乳塗之其癩自滅肉平如故

又方治面黚黑子

取李核中人去皮細研以雞子白和如稀錫塗至

晚每以淡漿洗之後塗胡粉不過五六日有神慎
風

孫真人食忌去麩子

取石灰炭上熬令熟搗糯米於灰上俛米化即取
米點之

外臺祕要救急去黑子方

夜以暖漿水洗面以布揩黑子令赤痛水研白檀
香取濃汁以塗之旦又復以漿水洗面仍以鷹糞
粉黑子

又令面生光方

以蜜陀僧用乳煎塗面佳兼治瘡鼻皴

聖惠方治黥黯斑點方

用蜜陀僧二兩細研以人乳汁調塗面每夜用之
又方治黑痣生於身上

用藜蘆灰五兩水一大椀淋灰汁於銅器中貯以
重湯煮令如黑膏以針微撥破痣處點之良不過
三徧神驗

又方生眉毛

用七月烏麻花陰乾為末生烏麻油浸每夜傳之
千金翼老人令面光澤方

大豬蹄一具洗淨理如食法煮漿如膠夜以塗面
曉以漿水洗面皮急矣

譚氏小兒方療豆瘡癩面黧

以蜜陀僧細研水調夜塗之明旦洗去平復矣
有治癰瘍三方具風條中

千金方治諸腋臭

伏龍肝澆作泥傅之立差

外臺祕要治狐臭若股內陰下恒濕臭或作瘡
青木香好醋浸致腋下夾之即愈

又生狐臭

以三年醞醋和石灰傅之

經驗方善治狐臭

用生薑塗腋下絕根本

又方烏髭鬚駐顏色壯筋骨明耳目除風氣潤肌膚
又服令人輕健

蒼朮不計多少用米泔水浸三兩日逐日換水候
滿日即出刮去黑皮切作片子暴乾用慢火炒令
黃色細搗末每一斤末用蒸過茯苓半斤煉蜜為
丸如梧桐子大空心卧時溫熱水下十五丸別用
朮末六兩甘草末一兩拌和勻作湯點之下朮丸

妙忌桃李雀蛤及三白

千金方治髮落不生令長

麻子一升熬黑壓油以傅頭長髮妙

又治髮不生

以羊屎灰淋取汁洗之三日一洗不過十度即生

又治眉髮脫落

石灰三升以水拌勻燂火炒令焦以絹袋貯使好

酒一斗漬之密封冬十四日春秋七日取服一合

常令酒氣相接嚴云百日即新髮生不落

孫真人食忌生髮方

取側柏葉陰乾作末和油塗之

又方令髮鬢烏黑

醋煮大豆黑者去豆煎令稠傅髮

又方治頭禿

蕪菁子末酢和傅之日三

梅師方治年少髮白拔去白髮

以白蜜塗毛孔中即生黑者髮不生取梧桐子搗

汁塗上必生黑者

千金翼療髮黃

熊脂塗髮梳之散頭入床底伏地一食頃即出便

六傳藥考卷六
三十一
盡黑不過一升脂驗

楊氏產乳療白禿瘡及髮中生癬

取熊白傳之

又療禿瘡

取虎膏塗之

聖惠方治白禿

以白鴿糞搗細羅為散先以醋米泔洗了傳之立

差

又治頭赤禿

用白馬蹄燒灰末以臘月豬脂和傳之

簡要濟眾治頭瘡

大笄殼葉燒為灰量瘡大小用灰調生油傳入少

膩粉佳

葛仙翁肘後備急方卷之六